

巢氏

病源候論

四十一之五

婦人妊娠 上三十論

婦人難產 七論

小兒雜病 二十九論

婦人妊娠 下里論

婦人產後 上三十論

婦人將產

婦人產後 下里論

中武 9
136
9

KODAK

M

KODAK Gray Scale

A 1 2 3 4 5 6 M 8 9 10 11 12 13 14 15 B 17 18 19



60 65 70 75 80 85

136
卷 19



卷之四十一

○婦人妊娠病諸候上 名二十論

妊娠候

妊娠惡阻候

妊娠轉女為男候

妊娠養胎候

妊娠禁忌候

胎間水氣子滿體腫候

妊娠漏胎候

妊娠胎動候

妊娠僵仆胎上搶心下血候

妊娠胎死腹中候

妊娠腹痛候

妊娠心痛候

妊娠心腹疼痛候

妊娠腰痛候

妊娠腰腹疼痛候

妊娠小腹痛候

妊娠率下血候

妊娠吐血候

妊娠尿血候

妊娠數墮胎候

重刊巢氏諸病源候總論卷之四十一

婦人妊娠病諸候上

凡二十論

妊娠候

經云陰搏陽別謂之有子此是氣血和調陽施

陰化也診其手少陰脈動甚者任子也少陰心脈也心
主血脈又腎名胞門子戶尺中腎脈也尺中之脈按之
不絕者任脈脈也三部沈浮正等按之無斷絕者有娠
也又左手沈實為男右手浮大為女左右俱沈實生一
男左右俱浮大生二女又尺脈左偏大為男右偏大為
女左右俱大產二子又左右手尺脈俱浮為產二男不
奈女作男生俱沈為產二女不奈男作女生又左手尺
中脈浮大者男右手尺脈沈細者女又得太陽脈為男
得太陽脈為女太陽脈沈太陽脈浮欲知男女遺面南

行還復呼之左迴首是男右迴首是女又看上圍時夫
從後急呼之左迴首是男右迴首是女婦人任娠其夫
左邊乳房有核是男右邊乳房有核是女懷娠一月名
曰始形飲食精熟酸美受御宜食大麥無食腥辛之物
是謂才真足厥陰養之足厥陰者肝之脉也肝主血下
月之時血流澁如不出故足厥陰養之足厥陰穴在足
大指歧間白肉際是任娠二月名曰始膏無食腥辛
之物居必靜處男子勿勞百節皆痛是謂始藏也足少
陽養之足少陽者膽之脉也主於精二月之時兒精成
於胞裏故足少陽養之足少陽穴在足小指間本節後
附骨上一寸陷中者是任娠三月始胎當此之時血
不流形像始化未有定儀見物而變欲令其貴盛公王

好人端正莊嚴不欲令見樞樓侏儒醜惡形人及猿猴
之類無食薑鬼無懷刀繩欲得男者操弓矢射雄雞棄
肥馬於田野觀虎豹及走犬其欲得女者則著簪珂環
珮弄珠璣欲令子美好端正者數視白璧美玉看孔雀
食鯉魚欲令兒多智有力則噉牛心食大麥欲令子賢
良盛德則端心正坐清虛和一坐無邪席立無偏倚行
無邪徑目無邪視耳無邪聽口無邪言心無邪念無妄
喜怒哀得思慮食無到齒無邪卧無橫足思欲果瓜噉
味酸殖好芬芳惡見穢臭是謂外象而變者也手心主
養之手心主者脉中精神內屬於心能濕神故手心主
養之手心主穴在掌後橫文是診其任娠脉滑疾重以
手按之散者胎已三月也任娠四月之時始受水精

以成血脉其食宜稍杭其美宜魚鴈是謂盛榮以通耳目而行經絡洗浴遠避寒暑是手少陽養之手少陽者三焦之脉也內屬於府四月之時兒六府順成故手少陽養之手少陽穴在手小指間本節後二寸是也診其任脈四月欲知男女左脈疾為男右脈疾為女左右俱疾為生二子當此之時慎勿瀉之必致產後之殃何謂也是手少陽三焦之脉內屬於三焦靜形躰和心志節飲食任脈五月始受火精以成其氣臥必晏起洗滌衣服深其屋室厚其衣裳朝吸天光以避寒殃其食宜稍麥其美宜牛羊和以菜黃調以五味是謂養氣以定五藏者也一本云宜食魚鱉足太陰養之足太陰脾之脉主四季五月之時兒四支皆成故足太陰養之足太

陰穴在足內踝上三寸也診其任脈重手按之不散但疾不消者五月也又其脉數者必向懷脉緊者必胞阻脉遲者必腹滿喘脉浮者必水壞為腫任脈六月始受金精以成其筋身欲微勞無得靜處出遊於野數觀走犬及視走馬宜食鷄鳥猛獸之肉是謂變膜膂筋以養其爪以牢其背脊足陽明養之足陽明者胃之脉主其口目六月之時兒口自皆成故足陽明養之足陽明穴在太衝上一寸是也任脈七月始受木精以成其骨勞躬搖支無使定止動作屈伸居處必燥飲食避寒常宜食稍杭以密膜理是謂養骨牢齒者也手太陰養之手太陰者肺脉主皮毛七月之時兒皮毛已成故手太陰養之手太陰穴在手太指本節後白肉際陷中

是診其任娠七月脉實大牢強者生沈細者死懷軀七月而不可知時時衄而轉筋者此為軀血時噫而動者非軀也懷軀七月暴下斗餘水其胎必倚而墮此非時孤漿預下故也任娠八月始受土精以成膚革和心靜息無使氣極是謂密腠理而光澤顏色手陽明養之手陽明者大腸脉大腸主九竅八月之時兒九竅皆成故手陽明養之手陽明穴在大指本節後宛々中是診其任娠八月脉實大牢強弦緊者生沈細者死任娠九月始受石精以成皮毛六府百節莫不畢備飲醴食耳緩帶自持而待之是謂養毛髮多才力足少陰養之足少陰者腎之脉腎主續綫九月之時兒脉續綫皆成故足少陰養之足少陰穴在足內踝後微近下前動脉

是也任娠十月五臟俱備六腑齊通納天地氣於丹田故使關節人神咸備然可預修消胎方法也

任娠惡阻候

惡阻病者心中憤悶頭眩四支煩疼懈惰不欲執作惡聞食氣欲嘔鹹酸果實多睡少起世云惡食又云惡字是也乃至三四月日以上大劇者不能自勝舉也此由婦人元本虛羸血氣不足腎氣又弱兼當風飲冷太過心下有痰水挾之而有娠也經血既閉水漬於藏藏氣不宜通故心煩憤悶氣逆而嘔吐也血脉不通經絡否澁則四支沈重挾風則頭自眩故欲有胎而病惡阻所謂欲有胎者其人月水尚來而顏色皮膚如常但苦沈重憤悶不欲飲食又不知其患所在脉理順時手和即是欲有胎也如此經二月日後便覺不通

則結胎也

任娠轉女為男候 陰陽和調，二氣相感，陽施陰化，是以有娠而三陰所會，則多生女。但任娠二月名曰始胎，精氣成於胞，裹至於三月名曰始胎，血脉不流，象形而變，未有定儀，見物而化。是時男女未分，故未滿三月者，可服藥方術轉之，令生男也。

任娠養胎候 任娠之人，有宿挾痲疹，因而有娠，或有娠之時，節適乖理，致生疾病，並令腑臟衰損，氣力虛羸，令胎不長，故須服藥去其疾病，益其氣血，以扶養胎也。

任娠禁忌候 任娠男女未分之時，未有定儀，見物而化，故須端正莊嚴，清靜和一，無傾視，無邪聽，兒在胎日月未滿，陰陽未備，腑臟骨節皆未成足，故自初訖，干將產

飲食居處皆有禁忌。

任娠胎間水氣子滿體腫候 胎間水氣子滿體腫者，此由脾胃虛弱，臟腑之間有停水而挾，以任娠故也。任娠之人，經血壅閉，以養於胎，若挾有水氣，則水血相搏，水漬於胎，兼傷腑臟，脾胃主身之肌肉，故氣虛弱，肌肉則虛，水氣流溢於肌，故令體腫。水漬於胞，則令胎壞。然任娠臨將產之月，而脚微腫者，其產易，所以尔者，胞藏水血俱多，故令易產。而水乘於外，故微腫，但須將產之月，若初任而腫者，是水氣過多，兒未成，具故壞胎也。懷胎，脉浮者，必腹滿，而喘，懷娠為水腫。

任娠漏胞候 漏胞者，謂任娠數月，而經水時下，此由衝脉任脉虛，不能約制太陽少陰之經血，故也。衝任之脉

病原卷第十一

為經脈之海皆起於胞內手太陽小腸脈也手少陰心
脈也是二經為表裏上為乳汁下為月水有娠之人經
水所以斷者壅之以養胎而蓄之為乳汁衝任氣虛則
胞內泄漏不能制其經血故月水時下亦名胞阻漏血
盡則人斃也

任娠胎動候 胎動不安者多因勞役氣力或觸冒冷熱
或飲食不適或居處失宜輕者止轉動不安重者便致
傷墮若其母有疾以動胎治母則胎安若其胎有不寧
固致動以病母者治胎則母瘳若傷動甚者候其母面
赤舌青者兒死母活母唇白青口兩邊沫出者母子俱
死母面青舌赤口中沫出母死子活

任娠僵仆胎上搶心下血候 此謂行動倒仆或從高墮

下傷損胞絡致血下動胎而血傷氣逆者胎隨氣上搶
心其死生之候其母舌青者兒死母活唇白無沫兒生
唇青沫出者母子俱死唇口赤舌青者母死兒活若下
血一任胞燥胎枯則令胎死

任娠胎死腹中候 此或因驚動倒仆或染溫疫傷寒邪
毒入於胞臟致令胎死其候當胎處冷為胎已死也

任娠腹痛候 腹痛皆由風邪入於腑臟與血氣相擊搏
所為任娠之人或宿挾冷疹或新觸風邪疝結而痛其
腹痛不已邪正相干血氣相亂致傷損胞絡則令動胎也
任娠心痛候 夫心痛多是風邪痰飲乘心之經絡邪氣
搏於正氣交結而痛也若傷心正經而痛者為真心痛
心為神統領諸藏不可受邪邪若傷之朝發夕死夕發

朝死若傷心支別絡而痛者則乍間乍盛休作有時任
娠之人感其病者痛不已氣乘胞絡傷損子臟則令動
胎凡胎動則胎轉移不安不安而動於血者則血下也
任娠心腹痛候任娠心腹痛者或由膜內宿有冷疹或
新觸風寒皆因藏虛而致發動邪正相擊而并於氣隨
氣下上衝於心則心痛下攻於腹則腹痛故令心腹
痛也任娠而病之者正邪二氣交擊於內若不時瘥者
其痛衝擊胞絡必致動胎甚則傷胎

任娠腰痛候腎主腰脚因勞損傷動其經虛則風冷乘
之故腰痛婦人腎以繫胞任娠而腰痛甚者多墮胎也
任娠腰腹痛候腎主腰脚其經虛風冷客之則腰痛冷
氣乘虛入腹則腹痛故令腰腹相引而痛不止多動胎

腰痛甚者則胎墮也

任娠小腹痛候任娠小腹痛者由胞絡宿有冷而任娠
血不通冷血相搏故痛也痛甚亦令動胎也

任娠卒下血候此謂卒有損動或冷熱不調和致傷於
胎故卒痛下血不止者墮胎也

任娠吐血候吐血皆由腑臟傷所為憂思驚怒皆傷臟
腑氣逆故吐血吐血而心悶胃滿未欲止心悶甚者死
任娠病之多墮胎也

任娠尿血候尿血由勞傷經絡而有熱熱乘於血血得
熱流溢滲入於胞故尿血也

任娠數墮胎候陽施陰化故得有胎宗衛和調則經養
周足故胎得安而能成長若血氣虛損者子臟為風冷

所居則血氣不足故不能養胎所以故胎數墮候其任
娠而恒腰痛者喜墮胎也

重刊巢氏諸病源候總論卷之四十一終

卷之四十二

婦人娠妊病諸候下凡四十一論

妊娠傷寒候

妊娠傷寒後復候

妊娠時氣候

妊娠溫病候

妊娠熱病候

妊娠寒熱候

妊娠瘧候

妊娠下利候

妊娠滯利候

妊娠胸脇支滿候

妊娠痰候

妊娠子煩候

妊娠霍亂候

妊娠中惡候

妊娠肢滿候

妊娠欬嗽候

妊娠胸膈候

妊娠喉咽身體著毒腫候

妊娠中蠱毒候

妊娠飛尸入腹候

妊娠子淋候

妊娠大小便不通候

妊娠大便不通候

妊娠大小便不利候

妊娠小便利候

妊娠小便數候

妊娠小便利候

妊娠小便不通候

妊娠驚胎候

妊娠中風候

妊娠瘕候

妊娠鬼胎候

妊娠兩胎一生一死候

妊娠胎痿燥候

妊娠過年久不產候

妊娠墮胎後血出不止候

妊娠墮胎後血不出候

妊娠墮胎衣不出候

妊娠墮胎後腹痛虛乏候

妊娠墮胎後著風候

妊娠欲去胎候

重刊巢氏諸病源候總論卷之四十二

婦人任娠病諸候下 凡四十一論

任娠傷寒候 冬時嚴寒人體虛而為寒所傷即成病為傷寒也輕者畜々惡寒噎々發熱微欬鼻塞數日乃止重者頭痛體疼增寒壯熱久不歇亦傷胎也

任娠傷寒後復候 冬時嚴寒人體虛觸冒之得病名傷寒其狀頭痛體疼壯熱後體虛尚未平復或起早或飲食過瘦病更如初故謂之復也

任娠時氣候 四時之間忽有非節之氣如春時應暖而反寒夏時應熱而反冷秋時應涼而反熱冬時應寒而反溫非其節而有其氣一氣之至無不入不傷長少雖殊病皆相似者多挾於毒言此時普行此氣故云時氣也

任娠遇之重者傷胎也

任娠溫病候 冬時嚴寒人有觸冒之寒氣伏藏肌骨未即病至春而發謂之溫也亦壯熱大體與傷寒相似又冬時應寒而反溫溫氣傷人即病亦令壯熱謂之溫病任娠遇此病熱搏於胎皆損胎也

任娠熱病候 冬時嚴寒觸冒傷之藏於肌骨夏至乃發壯熱又為暑病暑病即熱病也此寒氣蘊積發即有暑任娠遇之多致隨胎也

任娠寒熱候 任娠寒熱病者猶是時氣之病也此病起於血氣虛損風邪乘之致陰陽并隔陽勝則熱陰勝則寒陰陽相乘二氣交爭故寒熱其任娠而感此病者熱甚則傷胎也

任娠寒癘候 夫癘者由夏傷於暑容於皮膚至秋因勞動血氣滕理虛而風邪乘之動前暑熱正邪相擊陰陽交爭陽盛則熱陰盛則寒陰陽更虛更盛故發寒熱陰陽相離寒熱俱歇若邪動氣至交爭則復發故癘休作有時其發時節漸晏者此由風邪客於風府循脊而下衛氣一日一夜常大會於風府其明日日下一節故其作發日晏其發日早者衛氣之行風府日下一節二十一日下至尾骶二十一日入脊內上注於伏衝之脈其行九日出於缺盆之內其氣既上故其病發更早其間日發者由風邪內薄五藏橫連募原其道遠其氣深其行遲不能日作故間日蓄積乃發任娠而發者寒熱之氣迫傷於胎多致損動也

任娠下利候 春傷於風邪氣留連遇腸胃虛弱風邪因而傷之腸虛則洩故為下利然此水穀利也

任娠滯利候 冷熱不調腸虛者冷熱之氣客於其間熱氣乘之則赤冷氣乘之則白冷熱相交連滯故赤白如魚腦鼻涕相雜為滯利也

任娠胃脇支滿候 任娠經血不通上為乳汁兼以養胎若宿有停飲者則血飲相搏又因冷熱不調動於血飲血飲乘風逆上搶於胃脅胃脇脹滿而氣小喘謂之支滿

任娠痰候 水飲停積結聚為痰人皆有之少者不能為害若多則成病妨害飲食乃至嘔吐任娠病之若嘔吐甚者傷胎也

任娠子煩候 臟虛而熱氣乘於心則令心煩停痰積飲

在於心胃其衝冷心者亦令煩也若虛熱而煩者但煩熱而已若有痰飲而煩者則嘔吐涎沫任娠之人既血飲停積或虛熱相搏故亦煩以其任娠而煩故謂之子煩也

任娠霍亂候 陰陽清濁相干謂之氣亂氣亂於腸胃之間為霍亂也但飲食過度冒觸風冷使陰陽不和致清濁相干腸胃虛者受之故霍亂也先心痛則先吐先腹痛則先利心腹俱痛吐利並發有頭痛躄疼發熱而吐利者亦為霍亂所以然者按風而有實故也風打血氣皮膚閉密血氣不得宣故令壯熱風邪乘其經脈氣上衝於頭則頭痛風氣入於腸胃腸虛則洩利胃逆則嘔吐故吐利也吐利甚則煩府藏虛故也又手足逆冷陽氣

暴竭謂之四逆也任娠而病之吐利甚者則傷損胎也
任娠中惡候 人有忽然心腹刺痛悶亂欲死謂之中惡
言惡邪之氣中傷於人也所以然者人之血氣自養而
精神為主若血氣不和則精神衰弱故厲毒鬼氣得中
之任娠病之亦致損胎也

任娠腹滿候 任娠腹滿者由腹內宿有寒冷停飲故以
任娠重因觸冷則冷飲發動燥氣相干故令腹滿也

任娠效嗽候 肺感於微寒寒傷於肺則成效嗽所以然
者肺主氣候皮毛寒之傷人先客皮毛故肺受之又五
藏六府俱受氣於肺以四時更王五藏六府亦皆有效
嗽各以其時感於寒而為效嗽也秋則肺受之冬則腎
受之春則肝受之夏則心受之其諸藏效嗽不已各傳

於府任娠而病之者久不已傷於胎也

任娠胃痺候 胃痺者由寒氣客於臍府上衝胃心悞々
如滿噎塞習々而痺痛胃中慄々然飲食不下謂之胃
痺也而脾胃漸弱乃至斃人任娠而病之非直任婦為
患亦傷損於胎也

任娠咽喉身體著毒腫候 毒腫者是風邪厲毒之氣客
人肌肉搏於血氣積聚所成然邪毒傷人無有定處隨
經絡虛處而留止之故或著身體或著咽喉但毒之所
停血則否決血氣與邪相搏故成腫也其毒發於身體
猶為小緩若著咽喉最急便腫塞痺痛乃至水漿不通
毒入攻心心煩悶任娠者尤宜急救不尔子母俱傷也

任娠中蠱毒候

蠱毒者人有以蛇蠅蟻蝮諸虫合著

處令其自相殘食餘一箇在者名之為盡諸山縣人多作而敬事之因飲食裏以毒斃人又或吐血利血是食人腑臟則死又云有緩急緩者延引日月急者止在旦夕以法術知其主呼之盡去乃瘥乎人遇之尚死况任娠者故子母俱傷也

任娠飛尸入腹候 飛尸者是五尸中一尸也其遊走皮膚貫穿臟腑每發刺痛變作無常為飛尸也任娠病之者亦損胎也

任娠患子淋候 淋者腎虛膀胱熱也腎虛不能制水則小便數也膀胱熱則水行波瀾而且數淋瀝不宜任娠之人胞繫於腎腎患虛熱成淋故謂子淋也

任娠大小便不通候 人有府藏氣實而生於熱者隨停

積之處或病若熱結大腸大便不通熱結小腸小便不通若大小腸俱為熱所結故煩滿大小便不通也凡大小便不通則內熱腸胃氣逆令變乾嘔也

任娠大便秘不通候 三焦五藏不調和冷熱否結津液竭燥腸胃否滯滯積結於腸間則大便不通令腸否滿煩熱甚者變乾嘔所以然者胃內熱氣逆也

任娠大小便不利候 冷熱之氣不調乘於大小腸則謂之為遊氣壅否而生熱或熱病熱入大小腸並令大小便不利也凡大小便不利則心脇滿食不下而煩燥不安也

任娠小便利候 小便利者腎虛胞冷不能溫制於小便故小便利也

任娠小便數候 腎與膀胱合俱主水腎氣通於陰腎虛而生熱則小便澁虛則小便數虛熱相搏雖數起而不宣快也

任娠小便不利候 腎與膀胱合俱主水水行入胞為小便澀臟腑有熱熱入於胞故令小便不利也

任娠小便不通候 小腸有熱熱入於胞內熱結甚者故小便不通則心脇小腸俱滿氣喘急也

任娠驚胎候 驚胎者見懷任月將滿或將產其胎神識已具外有勞傷拍動而胎在內驚動也

任娠中風候 四時八方之氣為風常以冬至之日候之風從其鄉來者長養万物若不從鄉來者為虛風賊於人人體虛者則中之五藏六腑皆在背藏府虛風邪

發其俞入人中之隨府藏所感而發也心中風但偃卧不得傾側汗出唇赤汗流者可治急灸心俞百壯若唇或青或白或黃或黑此是心壞為水面自亭々時悚動者皆不可治五六日而死若肝中風但踞坐不得低頭若繞兩白連額色微有青唇青面黃可治急灸肝俞百壯若大青黑面一黃一白者是肝已傷不可治數日而死若脾中風踞而腹滿身通黃吐鹹汁出者可治急灸脾俞百壯若手足青者不可治若腎中風踞而腰痛視脇左右未有黃如餅飴大者可治急灸腎俞百壯若齒黃赤鬚髮直面上色者不可治也若肺中風偃卧而胃滿短氣冒悶汗出視目下鼻上下兩邊下行至口色白可治急灸肺俞百壯若色黃為肺已傷化為血不可

治其人當安接空或自括衣如此數日而死任娠而中風非止任娠為病甚者損胎也

任娠痙候 體虛受風而傷太陽之經停滯經絡後復遇

寒濕相搏發則口噤背強名之為痙任娠而發者悶冒

不識人須臾醒々復發亦是風傷太陽之經作痙也亦

名子癰亦名子冒也

任娠鬼胎候 夫人腑臟調和則血氣充實風邪鬼魅不

能干之若榮衛虛損則精神衰弱妖魅鬼精得入於藏

狀如懷娠故曰鬼胎也

任娠兩胎一死一死候 陽施陰化精盛有餘者則成兩

胎胎之在胞以血氣資養若寒溫節適虛實調和氣血

強盛則胎無傷夫若冷熱失宜氣血損弱則胎斃燥不

育其兩胎而一死者是血遇於寒挾經養不調故偏夭死也候其胎上冷是胎已死也

任娠胎痿燥候 胎之在胞血氣資養若血氣虛損胞藏

冷者胎則斃燥委伏不長其狀兒在胎都不轉動日月

雖滿亦不能生是其候也而胎在內痿燥其胎多死

任娠過年久不產候 過年不產由挾寒冷宿血在胞而

有胎則冷血相搏令胎不長產不以時若其胎在胞日

月雖多其胎斃小轉動勞羸是挾於病必過時乃產

任娠隨胎後血出不止候 隨胎損經脈損經脈故血不

止也瀉血多者便致煩悶乃至死也

任娠墮胎後血不出候 此由宿有風冷墮胎血冷相搏

氣虛逆上者則血結不出也其血逆上搶心則亦煩悶

其甚者致死

任娠隨胎衣不出候 此由隨胎初下婦人力羸不能更用氣產胞便遇冷冷則血凝故胞衣不出也若胞上掩心煩悶乃至於死也

任娠隨胎後腰痛虛乏候 此由隨胎之時血下遇少後餘血不盡將損未復而勞傷氣力觸冒風冷風冷搏於血氣故令腹痛勞損血氣不復則虛乏而餘血不盡結搏於內多變成血瘕亦令月水不通也

任娠隨胎後著風候 隨胎後榮衛損傷膝理虛疎未得平復若起早當風取涼即著於風初止羸弱或飲食減少氣力不即平復若風挾冷入腹內搏於血結成刺痛若入腸胃亦下利入經絡或痺或疼痛若入太陽之經

則腰背強直成瘕或角弓反張或口喎僻或緩弱不隨或下邊攣手急各隨所傷處而成病也

任娠欲去胎候 此謂任娠之人羸瘦或挾疾病既不能養胎兼害任婦故去之

重刊巢氏諸病源候總論卷之四十二終

卷之四十三

○婦人將產病諸候

凡三論

產法

產防運法

產胞衣不出候

○婦人難產病諸候

凡七論

產難候

橫產候

逆產候

產子上逼心候

產子但趨後孔候

產已死而子不出候

產難子死腹中候

○婦人產後病諸候

凡三十論

○ 產後血暈悶候

產後血露不盡候

產後惡露不盡腹痛候

產後血上搶心痛候

半產候

產後血瘦痛候

產後風虛腫候

產後腹中痛候

產後心腹痛候

產後心痛候

產後小腹痛候

產後腰痛候

產後兩脇脹滿痛候

產後虛煩短氣候

產後上氣候

產後心虛候

○ 產後虛煩候

產後虛熱候

產後虛羸候

產後風冷虛勞候

產後汗出不止候

產後汗血候

產後虛渴候

產後餘疾候

產後中風候

產後中風口噤候

產後中風痙候

產後中風風候

產後中風不隨候

產後風虛癩狂候

病類卷之三

目錄

重刊巢氏諸病候總論卷之四十三

婦人將產病諸候 凡三論

產法 人處三才之間稟五行之氣陽施陰化故令有子然五行雖復相生而剛柔刑殺互相害剋至於將產則有日遊反支禁忌若犯觸之或橫致諸病故產時坐卧產處須順四時五行之氣故謂之產法也

產防運法 防運者諸臨產若觸犯日遊反支諸所禁忌則令血氣不調理而致運也其運之狀心煩悶氣欲絕是也故須預以法術防之

胞衣不出候 有產兒下若胞衣不落者世謂之息胞由產婦初時用力比產兒出而體已疲頓不能更用氣產胞經停之間外冷棄之則血道否故胞久不出須

急以方藥救治不尔害於兒所以尔者胞系連兒臍胞
不出則不得以時斷臍浴洗冷氣傷兒則成病也旧方
胞衣久不出恐損兒者依法截臍而以物繫其帶一頭
亦有產而看產人不用意慎護而挽牽甚胞系斷者其
胞上掩心則斃人也縱令不死久則成病也

婦人難產病諸候

凡七論

產難候產難者或先因漏胎去血臍燥或子臍宿挾疹
病或觸禁忌或始覺腹痛產時未到便即驚動穢露早
下致子道乾澁產婦力疲皆令難也候其產婦舌青者
兒死母活唇青口青口兩邊沫出者子母俱死面青舌
赤沫出者母死子活故將產坐卧產處須順四時方面
并避五行禁忌若有犯觸多令產難產難腹痛而腰不

痛者未產也若腹痛連腰甚者即產所以然者腎候於
腰胞繫於腎故也診其尺脉轉急如切繩轉珠者即產也
橫產候橫產由初覺腹痛產時未至驚動傷早兒轉未
竟便用力產之故令橫也或觸犯禁忌所為將產坐卧
產處須順四時方面并避五行禁忌若觸犯多致災禍也
逆產候逆產者初覺腹痛產時未至驚動傷早兒轉未
竟便用力產之則令逆也或觸犯禁忌故產處及坐卧
須順四時方面并避五行禁忌若觸犯多致災禍
養生方云任娠大小便勿至非常之去處必逆產殺人也
產子上逼心候任娠將養得所則氣血調和故兒在胎
則安當產亦易若節適失宜則血氣乖理兒在胎則亟
動至產育亦難產而子上迫於心者由產難用力胎動

氣逆胎上衝迫於心也凡胎上迫心則暴悶絕胎下乃
甦甚者至死凡產處及坐卧須順四時方面并避五行
禁忌若有觸犯多致災禍也

產子但趨後孔候產子但趨後孔者內坐卧未安忽遽
強嘔氣暴衝擊故兒失其道婦人產有坐有卧若坐產
者須正坐傍人扶抱助腰持捉之勿使傾斜故兒得順
其理卧產者亦待卧定背平著席體不偃曲則兒不失
其道若坐卧未安身躄斜曲兒心轉動忽遽強嘔氣暴
衝擊則令兒趨後孔或橫或逆皆由產時忽遽或觸犯
禁忌坐卧不安審所為故產坐卧須平正順四時方面
避五行禁忌若有觸犯多致災禍也

產已死而子不出候產婦已死而子不出或觸犯禁忌

或產時未到驚動傷早或傍看產人抱腰持捉失理皆
令產難而致胎上掩心悶絕故死也候其婦將困之際
面青舌赤口沫出者則母死兒活也故產處坐卧須順
四時方面避五行禁忌若有觸犯多招災禍也

產難子死腹中候產難子死腹中者多因驚動過早或
觸犯禁忌致令產難產難則穢液下產時未到穢露已
盡而胎枯燥故子死腹中候其產婦舌青黑及胎上冷
者子已死也故產處坐卧須順四時方面避五行禁忌
若有觸犯多招災禍也

婦人產後病諸候上 凡三十論

產後血運悶候運悶之狀心煩氣欲絕是也亦有去血
過多亦有下血極少皆令運若產去血過多血虛氣極

如此而運悶者，但煩悶而已。若下血過少而氣逆者，則血隨氣上，掩於心，亦令運悶。則煩悶而心滿急二者，為異。亦當候其產婦血下多少，則知其產後應運與不運也。然煩悶不止，則整人。凡產時當向坐卧，若觸犯禁忌，多令運悶。故血下或多或少，是以產處及坐卧須順四時，方面避五行，禁忌若有觸犯，多招灾禍也。

產後血露不盡候

凡任娠當風取涼，則胞絡有冷。至於

產時，其血下必少，或新產而取風涼，皆令風冷搏於血，致使血不宣消，蓄積在內，則有時血露淋瀝，下不盡。

產後惡露不盡腹痛候

任娠取風冷過度，胞絡有冷，此

產血下則少，或新產血露未盡而取風涼，皆令風冷搏於血，血則壅滯，不宣消，蓄積在內，內有冷氣共相搏擊。

故令痛也。甚者則變成血瘕，亦令月水不通也。

產後血上搶心痛候

產後氣虛，挾宿寒，搏於血，血則

凝結，不消氣逆上者，則血隨上，搶衝擊而心痛也。凡產餘血不盡得冷，則結，與氣相搏，則痛。因重遇於寒，血結

弥甚，變成血瘕，亦令月水否決不通。

半產候

半產謂任娠兒骨節腑臟漸具而日月未足，便

產也多，因勞役驚動所致，或觸犯禁忌亦然也。

產後血瘕痛候

新產後有血氣相擊而痛者，謂之瘕痛。

瘕之言，假也。謂其痛浮假無定處也。此由宿有風冷血氣不治，至產血下少，故致此病也。不急治，多成積結，妨

害月水，輕則否決，重則不通。

產後風虛腫候

夫產傷血，勞氣腠理則虛，為風邪所乘。

邪搏於氣不得宣泄故令虛腫輕浮如吹者是邪搏於氣氣腫也若皮薄如熟李狀則變為水腫也氣腫發汗即愈水腫利小便即瘥

產後腹中痛候 產後臟虛或宿挾風寒或新觸冷與氣相擊搏故腹痛若氣逆上者亦令心痛胃脇痛也久則變成疝瘕

產後心腹痛候 產後氣血俱虛遇風寒乘之與血氣相擊隨氣而衝於心或下攻於腹故令心腹痛若久痛不止則變成疝瘕

產後心痛候 產後臟虛遇風冷客之與血氣相搏而氣逆者上攻於心之絡則心痛凡心痛乍間乍甚心之支別絡為邪所傷也若邪傷心之正經為真心痛朝發夕

死夕發朝死所以然者心為諸臟之主不受邪邪傷即死也

產後小腹痛候 此由產時惡露下少胞絡之間有餘血者與氣相擊搏令小腹痛也因重遇冷則血結變成血瘕亦月水不利也

產後腰痛候 腎主腰脚而婦人以腎繫胞產則勞傷腎氣損動胞絡虛未平復而風冷客之冷氣乘腰者則令腰痛也若寒冷邪氣連滯腰脊則痛久不已後有振喜隨胎所以然者胞繫腎腎主腰脊也

產後兩脅腹滿痛候 膀胱宿有停水因產惡露下少血不宣消水血壅否與氣相搏積在膀胱故令脅腹俱滿而氣動與水血相擊則痛也故令兩脅腹滿痛亦令月

水不利亦令成血瘕也

產後虛煩短氣候 此由產時勞傷重者血氣虛極則其後未得平和而氣逆乘心故心煩也氣虛不足故短氣也

產後上氣候 肺主氣五臟六腑俱稟氣於肺產則氣血俱傷臟腑皆損其後肺氣未復虛竭逆上故上氣也

產後心虛候 肺主氣心主血脉而血氣通榮臟腑循經絡產則血氣傷損臟腑不足而心統領諸臟其勞傷不足則令驚悸恍惚是心氣虛也

產後虛煩候 產血氣俱傷臟腑虛竭氣在內不宣故令煩也

產後虛熱候 產後腑臟勞傷血虛不復而風邪乘之搏於血氣使氣不宣泄而否滯生熱或支節煩憤或唇乾

燥但因虛生熱故謂之虛熱也

產後虛羸候 夫產損動腑臟勞傷氣血輕者節養將接

滿月便得平復重者其日月雖滿氣血猶未調和故虛羸也然產後虛羸將養失所多沈滯勞瘠乍起乍卧風

冷多則辟瘦顏色枯黑食飲不消風熱多則腰退虛乏顏色無異於常食亦無味甚傷損者皆著床此勞瘠也

產後風冷虛勞候 產則血氣勞傷腑臟虛弱而風冷客

之風冷搏血氣血氣則不能自溫於肌膚使人虛乏疲頓致羸損不平復謂之風冷虛勞若久不瘥風冷乘虛

而入腹搏於血則否滯入腸則下利不能養或食不消人子臟并胞臟冷亦使無子也

產後汗出不止候 夫汗由陰氣虛而陽氣加之裏虛表

實陽氣獨發於外故汗出也血為陰產則傷血是為陰
氣虛也氣為陽其氣實者陽加於陰故令汗出而陰氣
虛弱不復者則汗出不止凡產後皆血虛故多汗因之
遇風則變為瘧縱不成瘧則虛之短氣身軀柴瘦唇口
乾燥久變經水斷絕津液竭故也

產後汗血候 肝藏血心主血脉產則勞損肝心傷動血

氣血為陰陰虛而陽氣乘之即令汗血此為陰氣大虛
血氣傷動故因汗血出乃至斃人

產後虛渴候 夫產水血俱下腑臟血燥津液不足宿挾

虛熱者燥竭則甚故令渴

產後餘疾候 產後餘疾由產勞傷腑臟血氣不足日月
未滿而起早勞役虛損復為風邪所乘令氣力疲乏肌

不

強惡筋

啞

肉柴瘦若風冷入於腸胃腸胃虛冷時變下利若入搏
於血則經水否澁冷搏氣血亦令腹痛隨腑臟虛處乘
虛視之變成諸疾以其因產傷損餘勢不復致羸瘠疲
頓乍瘥乍甚故謂產後餘疾也

產後中風候 產則傷動血氣勞損腑臟其後未平復起

早勞動氣虛而風邪乘虛傷之致發病者故曰中風若
風邪冷氣初客皮膚經絡疼痺不仁若之少氣其人筋

脈挾寒則攣急過僻挾溫則強脈緩弱若入傷諸腑臟
恍惚驚悸隨其所傷腑臟經絡而為諸疾凡中風風先

客皮膚後因虛入傷五臟多從諸臟俞入若心中風但
得復卧不得傾側汗出若唇赤汗流者可治急灸心俞

百壯脣或青或白或黃或黑此是心壞為水面自亭人

時悚聽皆不可復治五六日而死若肝中風視坐不得
 低頭若繞兩目連額上灸微指青脣青面黃可治急灸
 肝俞百壯若大青黑面一黃一白者是肝已傷不可復
 治數日而死若脾中風踞而腋滿躄通黃吐鹹水出可
 治急灸脾俞百壯若手足青者不可復治也腎中風踞
 而腰痛視脅左右未有黃色如餅飴大者可治急灸腎
 俞百壯若齒黃赤鬢髮直面上土色不可復治也肺中風
 偃卧而脅滿短氣冒悶汗出視目下鼻上下兩邊下行
 至口色白可治急灸肺俞百壯若色黃為肺已傷化為
 血而不可復治其人當妄掇空或自拈衣如此救者死
 產後中風口噤候 產後中風口噤者是其氣虛而風入
 於頷頰夾口之筋也手三陽之筋結入於頷產則勞損

腑臟傷動筋脈風乘之者其三陽之筋偏虛則風偏搏
 之筋得風冷則急故令口噤也

產後中風痙候 產後中風痙者因產傷動血脈臟腑虛
 竭飲食未復未滿日白榮衛虛傷風氣得入五臟傷太
 陽之經復感寒濕寒搏於筋則發痙其狀口急噤背強
 直搖頭馬鳴腰為反折須臾十發氣急如絕汗出如雨
 手拭不及者皆死

產後中柔風候 柔風者四肢不收或緩或急不得俛仰
 也由陰陽俱虛風邪乘之風入於陽則表緩四肢不收
 也入於陰則裏急不得俛仰也產則血氣皆損故陰陽
 俱虛未得平復而風邪乘之故也

產後中風不隨候 產後腑臟傷動經絡虛損日月未滿

未得平復而起早勞動風邪乘虛入邪搏於陽經者氣行則遲機關緩縱故令不隨也

產後風虛癲狂候 產後血氣俱虛受風邪入并於陰則癲忽發卧地吐涎口喎目急手足繚左又無所覺知良久乃甦是也邪入并於陽則狂發則言語倒錯或自高賢或罵詈不避尊卑是也產則傷損血氣陰陽俱虛未平復者為風邪所乘邪乘血氣乍并於陽乍并於陰故癲狂也

重刊巢氏諸病源候總論卷之四十三終

卷之四十四

婦人產後病諸候下 凡四十一論

產後月水不利候 產後月水不調候

產後月水不通候 產後帶下候

產後崩中惡露不盡候 產後利候

產後利腫候 產後虛冷洞利候

產後滯利候 產後冷熱利候

產後客熱利候 產後赤利候

產後陰下脫候 產後陰道痛腫候

產後陰道開候 產後遺尿候

產後淋候

產後渴利候

產後小便數候

產後尿血候

產後大小便血候

產後大小便不通候

產後大便不通候

產後小便不通候

產後小便難候

產後嘔候

產後欬嗽候

產後時氣熱病候

產後傷寒候

產後寒熱候

產後癰候

產後積聚候

產後癰候

產後癰候

產後內極七病候

產後目瞑候

產後耳聾候

產後虛熱口生瘡候

產後身生瘡候

產後乳無汁候

產後乳汁溢候

血瘦水血相并後遇脾胃衰弱肌肉虛者變水腫也

產後帶下候帶下之病由任脉虛損任脉為經絡之海

產後血氣勞損未平復為風冷所乘傷於任脉冷熱相交冷多則白多熱多則赤多也相兼為帶下也

又云帶下有二門一曰胞門二曰龍門三曰玉門產後屬胞門謂因產傷損胞絡故也

產後崩中惡露不盡候產傷於經血其後虛損未平復

或勞役損動而血暴崩下遂因淋瀝不斷時來故謂崩中惡露不盡凡崩中若小腹急滿為內有瘀血不可斷之斷之終不斷而加小腹脹滿為難治若無瘀血則可斷易治也

產後利候產後虛損未平復而起早傷於風冷風冷乘

虛入於大腸腸虛則泄故令利也產後利若變為血利則難治世謂之產子利也

產後利腫候因產勞傷榮衛脾胃虛弱風冷乘之水穀

不結大腸虛則洩成利也利而腫者脾主土候肌肉土性本剋水令脾氣衰微不能剋消於水水氣流溢散在皮膚故令腫也

產後虛冷洞利候產勞傷而血氣虛極風冷乘之入於腸

胃腸胃虛而暴得冷腸虛則泄遇冷極虛故變洞利也

產後滯利候產後虛損冷熱之氣客於腸間熱乘血血滲於腸則赤冷搏腸間津液則變白其冷熱相交故赤白相雜連滯不止故謂滯利也

產後冷熱利候產後臟虛而冷熱之氣入於腸胃腸虛

則泄故成冷熱利凡利色青與白為冷黃與赤為熱不
止熱甚則變生血冷極則生白膿膿血相雜冷熱不調
則變帶利也

產後客熱利候 產後臟虛而熱氣乘之熱入於腸腸虛
則洩故為客熱利色黃是也熱甚則黃赤而有血也

產後赤利候 赤利血利也因產後血虛為熱氣所乘熱
搏血滲入腸腸虛而洩為血利凡血利皆是多熱熱血
不止蘊瘀成膿血利也

產後陰下脫候 產而陰脫者由宿有虛冷因產用力過
度其氣下衝則陰下脫也

產後陰道痛腫候 臟氣宿虛因產風邪乘於陰邪與血
氣相搏在其腠理故令痛血氣為邪所壅否故腫也

產後陰道開候 子臟宿虛因產冷氣乘之血氣得冷不
能相榮故令開也

產後遺尿候 因產用氣傷於膀胱而冷氣入胞囊胞囊
缺漏不禁小便故遺尿多因產難所致

產後淋候 因產虛損而熱氣客胞內虛則起數熱則洩
少故成淋也

產後渴利候 渴利者渴而引飲隨飲隨小便而謂之渴
利也膀胱與腎為表裏膀胱為津液之府婦人以腎繫
胞產則血水俱下傷損腎與膀胱之氣津液竭燥故令
渴也而腎氣下通於陰腎虛則不能制水故小便數是
為渴利也

產後小便數候 胞內宿有冷因產氣虛而冷發動冷氣

入胞虛弱不能制其小便故令數

產後尿血候 夫產傷損血氣血氣則虛而挾於熱搏於血血得熱流散滲於胞故血隨尿出是為尿血

產後大小便血候 夫產傷動血氣腑臟勞損血傷未復而挾於熱血得熱則妄行大腸及胞囊虛者則血滲入之故因大小便而血出也

產後大小便不通候 大小腸宿有熱因產則血水俱下津液暴竭本挾於熱大小腸未調和故令大小便澁結不通也

產後大便不通候 腸胃本挾於熱因產又水血俱下津液竭腸胃否澁熱結腸胃故大便不通也

產後小便不通候 因產動氣氣衝於胞胞轉屈辟不得

小便故也亦有小腸本挾於熱因產水血俱下津液竭燥胞內熱結則小便不通也然胞轉則小腹脹滿氣急絞痛若虛熱津液竭燥者則不甚脹急俱不通津液生氣和則小便也

產後小便難候 產則津液空竭血氣皆虛有熱客於胞者熱停積故小便否澁而難出

產後嘔候 胃為水穀之海水穀之精以為血氣血氣榮潤腑臟因產則腑臟傷動有血虛而氣獨盛者氣乘腸胃腸胃燥澁其氣則逆故嘔不下食也

產後欬嗽候 肺感微寒則成欬嗽而肺主氣因產氣虛風冷傷於肺故令欬嗽也

產後時氣熱病候 四時之間忽有非節之氣而為病者

謂之時氣產後體虛而非節之熱氣傷之故為產後時氣熱病也診其脉弦小者足温則生足寒則死凡熱病脉應浮滑而懸急以為不順手足應温而反冷為四逆必死也

吸當作翁

產後傷寒候 觸胃寒氣而為病謂之傷寒產婦血氣俱虛日月未滿而起早勞動為寒所傷則當々惡寒吸々微熱數日乃歇重者頭及骨節皆痛七八日乃瘥也

產後寒熱候 因產勞傷血氣使陰陽不和互相乘剋陽勝則熱陰勝則寒陰陽相加故發寒熱凡產餘血在內亦令寒熱其腹時刺痛者是也

產後癰候 夫癰者由夏傷於暑客在皮膚至秋因勞動血氣腠理虛而風邪乘之動前暑熱正邪相擊陰陽交

爭陽盛則熱陰盛則寒陰陽更盛故發寒熱陰陽相離則寒熱俱歇若邪動氣至交爭復發故癰休作有時其發時節漸晏者此由邪客於風府邪循膂而下衛氣一日一夜常大會於風府其明日下一節故其作日晏其發早者衛氣之行風府日下一節二十一日至尾翕二十二日入脊內上注於伏衝之脉其行九日出於缺盆之內其氣既上故其病發更早其間日發者由邪氣內薄五臟橫連募原其道遠其氣深其行遲不能日作故間日蓄積乃發產後血氣損傷而宿經傷暑熱今因產虛復遇風邪相折陰陽交爭邪正相干故發作成癰也

產後積聚候 積者陰氣五臟所生聚者陽氣六腑所成皆由飲食失節冷熱不調致五臟之氣積六腑之氣聚

積者痛不離其部聚者其痛無有常處所以然者積為陰氣陰性沈伏故痛不離其部聚為陽氣陽性浮動故痛無常處產婦血氣傷損腑臟虛弱為風冷所乘搏於臟腑與氣血相結故成積聚也

產後癥候 癥病之候腹內塊按之牢強推之不移動是也產後而有癥者由臟虛餘血不盡為風冷所乘血則凝結而成癥也

產後癖候 癖病之狀脅下弦急刺痛是也皆由飲食冷熱不調停積不消所成產後臟虛為風冷搏於停飲結聚故成癖也

產後內極七病候 產後血氣傷竭為內極七病則舊方所云七害也一者害食二者害氣三者害冷四者害勞

五者害房六者害狂七者害睡皆產時傷動血氣其後虛極未平復犯此七條而生諸病凡產後氣血內極其人羸瘦萎黃冷則心腹絞痛熱則肢體煩疼經血否澁變為積聚癥瘕也

產後目瞑候 目不痛不腫但視物不明謂之目瞑肝藏血候應於目產則血虛肝氣不足故目瞑也

產後耳聾候 腎氣通耳而婦人以腎繫胞因產血氣傷損則腎氣虛其經為風邪所乘故令耳聾也

產後虛熱口生瘡候 產後口生瘡者心藏虛熱心開竅於口而主血脉產則血虛臟有客熱氣上衝胃膈重發於口故生瘡也

產後身生瘡候 產則血氣傷損腠理虛為風所乘風邪

與血氣相搏，臟腑上熱，重發肌膚，故生瘡也。

產後乳無汁候 婦人手太陽少陰之脉，下為月水，上為

乳汁，在娠之人，月水不通，初以養胎，既產則水血俱下，

津液暴竭，經血不足，故無乳汁也。

產後乳汁溢候 婦人手太陽少陰之脉，上為乳汁，其產

雖血水俱下，其經血盛者，則津液有餘，故乳汁多而溢

出也。

重刊巢氏諸病源候總論卷之四十四終

卷之四十五

小兒雜病諸候 凡二十九論

養小兒候 變蒸候

溫壯候 壯熱候

驚候 欲發癩候

癩候

發癩瘡後身體頭面悉腫滿候

發癩瘡後六七歲不能語候

驚癩候 風癩候

發癩瘡後更發候 傷寒候

傷寒解肌發汗候

傷寒拔實壯熱候

傷寒兼驚候

傷寒大小便不通候

傷寒腹滿候

傷寒喉咽痛候

傷寒嗽候

傷寒後嗽候

傷寒汗出候

傷寒餘熱往來候

傷寒已得下後熱不除候

傷寒嘔候

傷寒熱渴候

傷寒口内生瘡候

傷寒鼻衄候

傷寒後下利候

卷之四十五

五二十九論

重刊巢氏諸病源候總論卷之四十五

小兒雜病諸候一

凡二十九論

養小兒候

經說年六歲已上為小兒十八已上為少年

承按作承據

二十已上為壯年五十已上為老年也其六歲已還者經所不載是以乳下嬰兒病難治者皆無所承按故也中古有巫方立小兒顯凶經以占大壽判疾病死生世所相傳有小兒方焉逮乎晉宋推諸蘇家傳襲有驗流於人間小兒始生肌膚未成不可暖衣暖衣則令筋骨緩弱宜時見風日若都不見風日則令肌膚脆軟便易傷損皆當以故絮著衣莫用新綿也天和暖無風之時令母將抱日中嬉戲數見風日則血凝氣剛肌肉硬密堪耐風寒不致疾病若常藏於幃帳之內重衣溫暖譬

如陰地之草木不見風日軟脆不任風寒又當薄衣薄衣之法當從秋習之不可以春夏卒減其衣則令中風寒從秋習之以漸稍寒如此則必耐寒冬月但當著兩薄襦一復裳耳非不忍見其寒適當佳耳愛而暖之適所以害也又當消息無令汗出則致虛損便受風寒晝夜寤寐皆當慎之其飲乳食哺不能無痰癖常當節適乳哺若微不進仍當保護之凡不能進乳哺則宜下之如此則終不致寒熱也又小兒始生生氣尚盛無有虛勞微惡則須下之所損不足言及其愈病則致深益若不時下則成大疾疾成則難治矣其冬月下之難將護然有疾者不可不下夏月下之後腹中常當小脹滿故當節哺乳將護之數日間又節哺之當令多少有常劑

三疑之

熨

兒粉大食哺亦當稍增若減少者此是腹中已有積不調也便當微將藥勿復哺之但當乳之甚者十許日輕者五六日自當如常若都不肯食哺而但飲乳者此是有癖為疾重要當下之不可不下不下則致寒熱或吐而發癩或致下利此皆病重不早下之所為也則難治先治其輕時兒不耗損而病速除矣小兒所以少病癩者其母懷娠時々勞役運動骨血則氣強胎養盛故也若侍御多血氣微胎養弱則兒軟脆易傷故多病癩兒皆須著帽項衣取燥菊花為枕枕之兒母乳兒三時摸兒項風池若壯熱者即須熨使微汗微汗不瘥便灸兩風池及背第二椎第五椎第七椎第九椎兩遍各二壯與風池凡為十壯一歲兒七壯兒大者以意節度增壯

數可至三十壯唯風池特令多七歲已上可百壯小兒
常須慎護風池諺云戒養小兒慎護風池風池在頸筋
兩轆之邊項有筋乃治之疾微慎不欲妄針灸亦不用
輒吐下所以然者針灸傷經絡吐下動府藏故也但當
以除熱湯浴之除熱散粉之除熱赤膏摩之又以臍中
膏塗之令兒在涼處勿禁水洗常以新水洗新生無疾
慎不可逆針灸逆針灸則忍痛動則脉喜因成癩河洛
間土地多寒兒喜病瘧其俗生兒三日喜逆灸以防之
又灸頰以防噤有噤者舌下脉急牙車筋急其土地寒
皆決舌下去血灸頰以防噤江東地溫無此疾古方既
傳有逆針灸之法今人不詳南北之殊便按方用之多
害於小兒是以田舍小兒任自然皆得無橫夭又云春

夏決定不得下小兒所以爾者小兒府藏之氣較弱易
應易實下則下焦必益虛上焦生熱熱則增痰痰則成
病自非當病不可下也

變蒸候

小兒變蒸者以長血氣也變者上氣蒸者體熱
變蒸有輕重其輕者身熱而微驚耳冷體亦冷上唇頭
白泡起如死魚目珠子微汗出而逆者五日而歇遠者
八九日乃歇其重者身壯熱而脉乱或汗或不汗不欲
食食輒吐嗅無所苦也變蒸之時目白睛微赤黑睛微
白亦無所苦蒸畢自明了矣先變五日後蒸五日為十
日之中熱乃除變蒸之時不欲驚動勿令傍邊多人變
蒸或早或晚依時如法者少也初變之時或熱甚者連
日數不歇審計日數必是變蒸服黑散發汗熱不止者

服紫雙丸小瘥便止勿復服之其變蒸之時遇寒加之則寒熱交爭腹痛大矯啼不止者熨之則愈變蒸與溫壯傷寒相似若非變蒸身熱耳熱腕亦熱此乃為他病可為餘治審是變蒸不得為餘治其變日數從初生至三十二日一變六十四日再變變且蒸九十六日三變變者丹孔出而泄也至一百二十八日四變變且蒸一百六十日五變一百九十二日六變變且蒸二百二十四日七變二百五十六日八變變且蒸三百二十八日九變三百二十日十變變且蒸三百三十日小蒸畢後六十四日大蒸後百二十八日復蒸積五百七十六日大小蒸畢也

溫壯候

小兒溫壯者由府藏不調內有伏熱或挾宿寒

皆搏於胃氣足陽明為胃之經主身之肌肉其胃不和調則氣行壅滯故蘊積熱名為溫壯候小兒大便秘其糞黃而臭此腹內有伏熱宜將服龍鬚湯若糞白而酢臭則挾宿寒不消當服紫雙丸輕者少服藥令默除之甚者小增藥令微利皆當節乳哺數日令胃氣和調若不節乳哺則病易復復則傷其胃氣令腹滿再上二利尚可過此則傷小兒矣

壯熱候

小兒壯熱者是小兒血氣盛五藏生熱重發於

外故令身熱壯熱大熱與溫壯相似而有小異或挾伏熱或挾宿寒其挾伏熱者大便黃而臭挾宿寒者糞白而有酸氣此二者府藏不調冷熱之氣俱乘腸胃蘊積染漸而發溫溫然熱不甚盛是溫壯也其壯熱者是血

氣盛熏發於外其發無漸壯熱甚以此為異若壯熱不歇則變為驚極重者亦變癩也

驚候 小兒驚者由血氣不和熱實在內心神不定所以

發驚甚者掣縮變成癩又小兒變蒸亦微驚所以然者

亦由熱氣所為但須微發驚以長血脉不欲大驚大驚

乃灸驚脉若五六十日灸者驚復更甚生百日後灸驚脉乃善耳

欲發癩候 夫小兒未發癩欲發之候或溫壯連滯或搖

頭弄舌或睡裏驚掣數齧齒如此是欲發癩之證也

癩候 癩者小兒病也十歲已上為癩十歲已下為癩其

發之狀或口眼相引而目睛上搖或手足掣縱或背脊

強直或頸項反折諸方說癩名證不同大體其發之源

突作疾 正惠

皆因三種三種者風癩驚癩食癩是也風癩者因衣厚汗出而風入為之驚癩者因驚怖大啼乃發食癩者因乳哺不節所成然小兒氣血微弱易為傷動因此三種變作諸癩凡諸癩正發手足掣縱慎勿捉持之捉則令曲突不隨也

發癩瘥後 身體頭面悉腫滿候 凡癩發之狀或口眼相

引或目睛上搖或手足掣縱或背脊強直或頸項反折

或屈指如數皆由以兒當風取涼乳哺失節之所為也

其癩瘥後而腫滿者是風癩風癩因小兒厚衣汗出因

風取涼而得之初發之狀屈指如數然後掣縮是也其

癩雖瘥氣血尚虛而熱未盡在皮膚與氣相搏致令氣

不宣泄故停并成腫也

發癇瘥後六七歲不能語候 凡癇發之狀或口眼相引或目睛上搖或手足掣縱或背脊強直或頭項反折或屈指如數皆由以兒當風取涼乳哺失節之所為也其癇瘥後而腫滿者是風癇風癇因小兒厚衣汗出因風取涼而得之初發之狀屈指如數然後掣縮是也其癇雖瘥氣血尚虛而熱未盡在皮膚與氣相搏致令氣不宣泄故停井成腫也 衍

發癇瘥後六七歲不能語候 凡癇發之狀口眼相引或目睛上搖或手足瘳瘳或脊背強直或頭項反折屈指如數皆由以兒當風取涼乳哺失節之所為也而癇發瘥後不能語者是風癇風癇因兒衣厚汗出以兒乘風取涼太過為風所傷得之其初發之狀屈指如數然後

庚

發瘳瘳是也心之聲為言開竅於口其癇發雖止風冷之氣猶滯心之絡脉使心氣不和其聲不發故不能言也 驚癇候 驚癇者起於驚怖太啼精神傷動氣脉不定因驚而發作成癇也初覺兒欲驚急持抱之驚自止故養小兒常慎驚勿聞大聲每持抱之間常當安徐勿令怖又雷鳴時常塞兒耳并作餘細聲以亂之驚癇當按圖灸之摩膏不可大下何者驚癇心氣不定下之內虛則甚難治凡諸癇正發手足掣縮慎不可捉持之捉之則令曲突不隨也 風癇候 風癇者由乳養失理血氣不和風邪所中或衣厚汗出滕理開風因而入初得之時先屈指如數乃發掣縮是也當與純心湯又病先身熱瘳瘳驚啼喚而後

發癩脉浮者為陽癩內在六府外在肌膚猶易治病先
身冷不驚瘦不啼喚乃成病發時脉沈者為陰癩內在
五藏外在脊髓極者難治病發時身軟時醒者謂之癩
身強直反張如尸不時醒者謂之瘞診其心脉滿大癩
瘞筋攣肝脉小急亦癩瘞筋攣尺寸脉俱浮直上直下
此為督脉腰背強直不得俯仰小兒風癩三部脉緊急
癩可治小兒脉多似雀鬪要以三部脉為主若緊者必
風癩凡諸癩發手足制掣縮慎勿持捉之捉則令曲突不
隨也

患癩瘞後更發候

癩發之狀或口眼相引目睛上搖或
手足瘞癢或背脊強直或頭項反折或屈指如數皆由
當風取涼乳哺失節之所為其瘞之後而更發者是餘

勢未盡小兒血氣數軟弱或因乳食不節或風冷不調
或更驚動因而重發如此者多成常疹凡諸癩正發手
足制掣縮慎勿持捉之捉則令曲突不隨也

傷寒候

傷寒者冬時嚴寒而人觸冒之寒氣入腠理搏
於血氣則發寒熱頭痛身疼謂之傷寒又春時應暖而
反寒此非其時有其氣傷人即發病謂之時行傷寒者
小兒不能觸冒寒氣而病傷寒者多由大人解脫之時
久故令寒氣傷之是以小兒亦病之診其脉來一投而
止者便是得病一日假令六投而止者便是得病六日
其脉來洪者易治細微者難治也

傷寒解肌發汗候

傷寒是寒氣客於皮膚寒從外搏於
血氣腠理閉密冷氣在內不得外泄蘊積故頭痛壯熱

身疼所以須解其肌膚令腠理開津液為汗發泄其氣則熱歇凡傷寒無問長幼男女於春夏宜發汗又脈浮大宜發汗所以然者病在表故也

閉

傷寒挾實壯熱候 傷寒是寒氣客於皮膚搏於血氣腠理開密氣不宣泄蘊積生熱故頭痛身疼而壯熱其人本藏氣實者則寒氣與實氣相搏而壯熱者謂之挾實實者有二種有冷有熱其熱實糞黃而臭其冷實食不消糞白而酸氣此候知之其內雖有冷熱之殊外皮膚皆壯熱也

傷寒兼驚候 傷寒是寒氣客於皮膚搏於血氣使腠理閉密氣不宣泄蘊積生熱故頭痛身疼而壯熱也其兼驚者是熱乘心心主血脉小兒血氣軟弱心神易動為

熱所乘故發驚驚不止則變驚癇也

傷寒大小便不通候 傷寒是寒氣客於皮膚搏於血氣使腠理閉密不宣泄蘊積生熱故頭痛身疼而壯熱其大便不通是寒搏於氣而生熱熱流入大小腸故澀結不通凡大小便不通則內熱不歇或乾嘔或言語而氣還逆上則心腹脹滿也

傷寒腹滿候 傷寒是寒氣客於皮膚搏於血氣使腠理閉密氣不宣泄蘊積生熱故頭痛身疼而壯熱其腹滿者是熱入腹傳於藏藏氣結聚故令腹滿若挾毒者則腹滿心煩懊悶多死

傷寒咽喉痛候 傷寒是寒氣客於皮膚搏於血氣使腠理閉密氣不宣泄蘊積生熱故頭痛身疼壯熱其咽喉

氣

痛者是心胃熱盛氣上衝於咽喉故令痛若按毒則喉痛結腫水漿不入毒還入心煩悶者死

傷寒嗽候 傷寒是寒氣客於皮膚搏於血氣使腠理閉密氣不宣泄蘊積生熱故頭痛身疼而壯熱其嗽者邪在肺肺候身之皮毛而主氣傷寒邪氣先客皮膚隨氣入肺故令嗽重者有膿血也

傷寒後嗽候 傷寒是寒氣客於皮膚搏於血氣使腠理閉塞氣不宣泄蘊積生熱故頭痛壯熱身疼也瘥後而猶嗽者是邪氣猶停在肺未盡也寒之傷人先客皮毛皮毛肺之候肺主氣寒搏肺氣入五臟六腑故表裏俱熱熱退之後肺尚未和邪猶未盡邪隨氣入肺與肺氣相搏故傷寒後猶病嗽也

密

傷寒汗出候 傷寒者是寒氣客於皮膚搏於血氣使腠理閉密氣不宣泄蘊積生熱故頭痛身疼壯熱也而汗出者陽虛受邪邪搏於氣故發熱陰氣又虛邪又乘於陰陰陽俱虛不能制其津液所以傷寒而汗出也

傷寒餘熱往來候 傷寒是寒氣客於皮膚搏於血氣腠理閉密氣不宣泄蘊積生熱使頭痛身疼而壯熱也其餘熱往來者是邪氣與正氣交爭正氣勝則邪氣却散故寒熱俱歇若邪氣未盡者時干於正氣正氣為邪氣所干則壅否還熱故餘熱往來不已也

傷寒已得下後熱不除候 傷寒是寒氣客於皮膚搏於血氣使腠理閉密不得宣泄蘊積生熱故頭痛身疼而壯熱也若四五日後熱歸入裏則宜下之得利後熱猶

不除者，餘熱未盡，故其狀肉常溫，而熱也。

傷寒嘔候 傷寒是寒氣客於皮膚，搏於血氣，腠理閉密，氣不宣泄，蘊積生熱，故頭痛，躄疼，而壯熱，其嘔者是胃氣虛，熱乘虛入胃，胃得熱，則氣逆，故嘔也。

傷寒熱渴候 傷寒是寒氣客於皮膚，搏於血氣，腠理閉密，氣不宣泄，蘊積生熱，故頭痛，躄疼，而壯熱，其渴者是熱入臟腑，得熱則津液竭燥，故令渴也。

傷寒口内生瘡候 傷寒是寒氣客於皮膚，搏於血氣，腠理閉密，氣不宣泄，蘊積生熱，故頭痛，躄疼，而壯熱，其口生瘡，熱毒氣在臟上，衝胃，毒氣發於口，故生瘡也。

傷寒鼻衄候 傷寒是寒氣客於皮膚，搏於血氣，腠理閉密，氣不得宣泄，蘊積毒氣，故頭疼，躄疼，而壯熱，其鼻衄

是熱搏於氣，而乘於血也。肺候身之皮毛，氣開竅於鼻，蘊寒先客，皮膚搏於氣，而成熱，熱乘於血，血得熱而妄行，發從鼻出者，名鼻衄也。凡候熱病而應衄者，其人壯熱，頻發汗不止，或未及發汗，而鼻燥，喘息，鼻氣鳴，即衄。凡衄小兒止，一外數合，則熱因之為然。若一外二外者，死。
傷寒後下利候 傷寒是寒氣客於皮膚，搏於血氣，使腠理閉密，氣不宣泄，蘊積毒氣，頭痛，躄疼，而壯熱也。其熱歇後而利者，是熱從表入裏，故也。表熱雖得解，而裏熱猶停，腸胃與水穀相并，腸胃虛則泄利，其狀利色黃若汁，熱不止，則變為血利。若重遇冷，則冷熱相加，則變赤白瀉利也。

重刊巢氏諸病源候總論卷之四十五

此論論諸病源候之總論也其言曰夫病之起也必先於氣氣者人之根本也氣和則神清氣不和則神昏神清則身健神昏則身弱身健則病不生身弱則病易成此病源之始也

重刊巢氏諸病源候總論卷之四十五

